



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

XXXV. De episcopis rebus suis exspoliatis, vel a sede sua pulsis.

urn:nbn:de:hbz:466:1-15072

accusatores præsentes habeat, locumque defendendi accipiat spacio sum ad abluenda crimina.

XXXII.

2. q. 6. Ultra
provinci-
rum. Et in
2. epist. de-
creto. Ste-
phanii Pa-
pæ I.

Similiter in iam fata Synodo statutum est, vt vltra prouinciæ terminos accusandi licentia non progrediatur, nisi ad hanc apostolicam fuerit sedem prouocatum, ad quam omnes qui voluerint libere, & absque vlo impedimento * a quibusdam agendo, confluere debent.

XXXIII.

3. qu. 5. Si-
militer in
præfato.

Similiter in iam præfixa Synodo est decretum, ne suspecti, aut infames, aut criminosi, aut * gratio si, vel calumniato- res, vel affines, aut scelerati, aut facile litigantes, susci- piantur accusatores, sed tales, qui omni careant suspicio- ne, quia columnas suas Dominus firmiter stare voluit, nec a quibuscumque agitari.

XXXIV.

1. quæst. 1.
Iudices au-
tem alii.

Similiter statuit præfata Synodus, vt nullum sententia, nisi a suo iudice dicta, constringat. Iudices autem alii esse non debent, quam quos ipse qui impetravit elegerit, aut quos suo cum consensu hæc sanctæ sedes, aut eius pri- mates auctoritate huius sanctæ sedis delegauerint. Ex his enim & aliis quæ tam in hac sancta sede quam & ab apostolis eorumque successoribus sunt statuta, nihil præfatis episcopis concessisti, sed vim eis inferentes, iniusteque (vt superius commemoratum est) eos damnantes, aliquos absentes expulisti, quod omni Christianæ religioni est inimicum. In quibus appareat, quod nec Domino sua seruasti iura, nec huic sanctæ matris & apostolicæ ecclesiæ, quæ (vt præscriptum est) eos suo iudicio, aut huic sedi voluit referuari, ne a tam prauis (sicut estis) homini- bus damnarentur aut eiicerentur, in his omnibus vos stultos & prævaricatores euangeliorum & Canonum esse, nulli sane sapientium est absconditum.

XXXV.

2. q. 1. Nul-
lus potest
conuocari.

Nec his contenti in vestra estis prævaricatione, sed etiam, quod prius expulsos eos, & suis expoliatos rebus, quasi vocasti atque damnasti, cum nullus regulariter aut vocari aut iudicari possit, antequam sit regulariter resti- tutus, & sua omnia ei legibus sint integerrime reformata. Est namque in sepe iam dicta sancta Synodo ab omnibus

vnanimiter decretum, & apostolica auctoritate robora-
tum, vt si quis episcoporum suis fuerit rebus expoliatus, &
in accusatione pulsatus, ordinatione pontificū oportet &
debet sanctum propositum prima fronte cedere, vt omnia
quaꝝ per suggestiones inimicorum suorum amiserat, le-
galiter primo potestati eius ab honorabili Concilio redin-
tegrantur, & præsul regulariter prius statui pristino red-
datur, & ipse, dispositis ordinatisque suis, tunc ad tem-
pus veniat ad causam, & si ita iuste videtur, accusantium
propositionibus respondeat. Quare ergo transgressi estis Prov. 21.
terminos patrum, iudicantes & damnantes eos quos non
debuitis? Quare iudicasti eos quos non regulariter ap-
probasti? Non obseruasti quod in Regnorum libro scri-
ptum est: *Non quomodo videt homo videt Deus, quia homo vi-
det in facie, Deus autem in corde videt.* Et in Paralipomenon: 1. Reg. 16.
2. Par. 18.
Omnia corda scrutatur Deus, & omnem cogitationem nouit. Et a-
libi scriptum est: *Non potest humano condemnari examine quem
Deus suo reseruauit iudicio.* Hæc omnia summopere præca-
uenda sunt, nec accusatio episcoporum facile est reci-
pienda, dicente Domino: *Non suscipias vocem mendacii.* Et Exod. 23.
Apostolus inquit: *Aduersus presbyterum inscriptionem non reci-
piendam, absque duobus vel tribus idoneis testibus.* Si hæc de
presbyteris vel ceteris fidelibus sunt præcauenda, quanto
magis de episcopis? Quibus cognitis, magis vos domina-
ri velle manifestum est, quam consulere fratribus, aut
sustentare eos, quia honor inflat ad superbiam: & quod
prouisum est ad concordiam, tendit ad noxam. Decuerat
namque vos iuxta præfatas regulas, si aliquid egissent con-
tra suum ordinem, mandare nobis, & expectare quid ad
vestra consulta rescriberemus, intantum vt, si etiam quid-
quam graue intolerandumque committerent, nostra præ-
stolaretur censura. Et nihil prius aut aliud decerneretis,
quam quod nobis placere cognouissetis, ita vt a regulis
præstitutis nulla aut negligentia, aut præsumptione rece-
deretis. Cesset huiusmodi pressa nostra auctoritate præ-
sumptio, vitentur huiusmodi documenta; quia nequa-
quam talia patienter ferre possumus machinamenta, quo-
niā conuenit nos paternarum sanctionum diligentes ef-
fe custodes. Merito namque nos causa respicit, si silentio
faueamus errori.

1. qu. 2. Si
episcopus
suis fuerit.
Et in dect.
Eusebii
papæ sen-
tentialiter.

Prov. 21.
1. Reg. 16.
2. Par. 18.
In decret.
Iuo. lib. 4.
1. Cor. 41.

Exod. 23.
1. Timoth. 5.